

光緒吉林通志

吉林通志卷四十六

學校志三 學宮

吉林府學在城內東南隅吉林外紀乾隆元年秋七月

詔建新設永吉州文廟

九朝東華錄

七年知州魏士敏始從事焉

規制略備三十年同知圖善卽廟內東南隅起奎星樓兼修櫺星門三楹五十五年災廟學俱燬惟奎星樓存將軍琳甯奏請修葺殿廡門堂復具嘉慶十一年齋房又燬十四年奉天學政奏請

頒內板經籍於各學將軍秀林副都統達祿同知富元學政孫鈺白捐建尊經閣於齋房故址庀焉廟中大成殿

三楹恭懸

聖祖御書萬世師表扁額

仁宗御書聖集大成扁額東西兩廡各三楹直其前爲大成

門又前爲泮池池北東角門曰聖域西曰賢關池南  
曰櫺星門門外左右下馬坊各一其南照壁一座明

倫堂三楹在廟之西西廡三楹爲齋房東向後改爲

尊經閣

吉林外紀六

道光十八年紳士修葺之咸豐九年

舉人慶福貢生侯鎮藩倡捐重修泮池改修石橋有

記同治十年另建明倫堂三楹輒儀門一座並修大

門光緒九年署府教授解延慶改建兩廡各五楹十

九年巡道訥欽重修添建祭器樂器二庫泮池擴而大之加高照壁並於廟內建名宦鄉賢節孝三祠各

三楹自爲記

冊報

崇聖祠三楹在大成殿後

冊報

記曰歲辛卯訥欽奉

天子命分巡是邦月朔以故事詣學宮行禮禮畢退瞻殿廡也陋牆垣也卑且侈剝也久問禮器樂器則曰亡之敬而念釋菜之典之不可若是焉修也其擴而新之乎紕於費不果越癸巳乃黽勉從事禮之器豆蓬之屬樂之器鐘磬之屬亦如儀又增建名宦鄉賢節

孝三祠旣竣屬學官進都人士告曰聖人知能無間  
愚夫愚婦加籍黌宮有不知求乎子求乎臣求乎弟  
以逮朋友者乎惟是肇舉三祠竊有說焉是邦故神  
皋近則遍處鄰封爲筦鑰所在名宦祠之建以甄政  
績鄉賢祠之建以樹坊表節孝祠之建以維風化夫  
天下之亂多兆於民而成於官外患猶後誠使職無  
曠而俗善

國家左契右券操靈長矣宜乎正百官以清問下民兢  
兢於

天子而訥欽承

命隕越之愆尤不能無懼若乃聖人不遠人以爲道下學而上達都人士宜自助於匡居矧二仲觀感嗷嗷不已夫何爲哉自餘一書於碑陰

伊通州學未建

敦化縣學未建

長春府學在城東二道街路北同治十一年紳士朱琛等捐建

大成殿三楹東西廡各三楹泮池櫺星門齋舍照牆如

制餘未具

冊報

農安縣學未建

伯都訥廳學在孤榆樹屯東南隅同治十三年紳商

捐建

冊報

賓州廳學在城內東南隅光緒十九年署同知吳嶠  
菁捐建大成殿三楹前月臺臺下爲甬道東西兩廡  
各五楹其南爲大成門牆之西設角門一通菁化書  
院直大成門之前爲石橋泮池之水由照牆外東南  
隅自來泉流入又其前曰櫺星門東曰禮門西曰義  
路坊二照壁一座榜曰萬仞宮牆左右立下馬碑各  
一瞻菁自爲記

圖說

記曰聖道與血氣俱凡橫目方趾各稟一忠乎其君

孝乎其親敬乎其長之性俟夫先知先覺者率而復之卽先知先覺者曷嘗有所遺以謂樸僂無足教而不引之爲臣爲子爲弟之途俾彝倫卽敘哉顧性所錮蔽則有矣是後起者耳薦紳先生口禮法躬威儀而心利祿方其爲赤子不爾也其爾也錮蔽於利祿將以禮法威儀者市焉豈其天耶夫天則樸僂之全劉晏筦鹽鐵用士人不用胥吏戚繼光募兵取鄉野椎魯不取城市游閒也可以觀矣賓之爲州地直金上京其時蓋有國學臨雍釋奠史或書焉元明復成

部落



國初征有之州於同治間其地特遺其俗樸僂而任質  
其教未興前政靳有以振起之構屋三楹者二廂其  
東西又門焉將以爲廳學未竣也越光緒十八年瞻  
菁視事於此竊謂侈不可示陋亦不可安適爽塏一  
區鄰舊所構卜氏云吉遂規爲大成殿翼之兩廡後  
崇聖祠前櫺星門導泉入自東垣漚爲泮池復導自  
西垣出而橋乎泉所由左右各一餘燎瘞諸所如制  
別繕完舊所構緣詩菁菁者我名曰菁化書院踰年  
歲事都財用工役暨在事有力者書之碑陰於是展  
祀春秋始有所焉夫聖人之道無乎不在豈曰設

之廟立之主然禮格乎天地樂通乎神明亦豈玉帛  
鐘鼓之謂而玉帛鐘鼓正禮與樂所以格天地通神  
明之器也夫學何殊哉賓初無是爲子亦知孝爲弟  
亦知敬爲臣亦知忠得諸性也賓既有是子知所以  
孝弟知所以敬臣知所以忠性之復也性之復人也  
得諸性天也天素而人繪事也以賁樸僊也固宜且  
樸僊大可用矣周勃厚重少文問錢穀出入及歲刑  
人幾何皆不知所對然安劉者固勃汲黯蓋甚矣懸  
時謂招之不來揮之不去臨大節而不可奪焉然則  
賓人士與口禮法躬威儀若薦紳先生之心之爲利

祿所錮蔽緩急不可恃毋亦以樸僂全其天耶是卽不知其仁焉用佞之說也夫長吏不惟治民亦與教士以故他或未遑獨此之務焉誠不敢有所薄以爲無足語聖人之道賓其可自薄與

五常廳學未建

雙城廳學在東街路南同治十三年商民捐建

冊報

甯古塔學在城內東南隅康熙三十二年建

盛京志作乾

隆三十五年正殿三楹大門一座餘未具

冊報

伯都訥舊城學在城東南隅道光二年建

吉林外紀六光

緒五年兵民捐修正殿三楹餘未具

冊報

三姓學在城內

吉林外紀六

正殿三楹兩廡各三楹大成

門一楹東西便門各一大門一楹東西角門各一照

壁一座坊二下馬碑二上篆刻滿漢兩體書

冊報

阿勒楚喀學在城內

吉林外紀六

祀典

至聖先師孔子神位南向木主高二尺五寸五分廣六寸

五分厚一寸朱地金書小座高四寸五分大座高一

尺四寸五分龕二重

四配神位木主高一尺七寸廣四寸五分厚五分赤

地金書小座高三寸五分大座高一尺五分東西連

二龕合座十二哲

謹案康熙五十一年以朱子升配大成殿爲十一哲乾隆四年以有

子升配爲

神位木主高一尺四寸廣三寸五分厚五

十二哲

分赤地金書小座高二寸五分大座高一尺東西各

連六龕合座

文廟祀典考五

正殿奉

至聖先師孔子神位

正中南嚮

東配

在殿內東旁西嚮

復聖顏子

名回字子淵魯人漢永平十二年祀七十二弟子顏子位第一

述聖子思子

名伋字子思宋大觀二年從祀端平二年升列哲位咸淳三年配享

西配

在殿內西旁東嚮

宗聖曾子

名參字子與魯南武城人唐開元八年從祀宋咸淳三年配享

亞聖孟子

名軻字子輿一云子車邾人宋元豐七年配享

東哲

在殿內次東旁西嚮

先賢閔子

名損字子騫魯人唐開元八年從祀

先賢冉子

名雍字仲弓魯人唐開元八年從祀

先賢端木子

名賜字子貢衛人唐開元八年從祀

先賢仲子

名由字子路卞人唐開元八年從祀

先賢卜子

名商字子夏衛人唐貞觀二十一年以經師從祀開元八年以十哲從祀

先賢有子

名若字子若魯人唐開元二十七年從祀國朝乾隆三年升列哲位

西哲

在殿內次西旁東嚮

先賢冉子

名耕字伯牛魯人唐開元八年從祀

先賢宰子

名子字子我魯人唐開元八年從祀

先賢冉子

名求字子有魯人唐開元八年從祀

先賢言子

名偃字子游吳人唐開元八年從祀

先賢顓孫子

名師字子張陳人唐開元二十七年從祀  
宋咸淳三年升列哲位

先賢朱子

名熹字元晦婺源人宋高宗元年從祀  
國朝康熙五十一年升列哲位

兩廡從祀先賢先儒神位木主高一尺三寸六分廣

三寸五分厚六分赤地墨書小座高二寸大座高七

寸五分東西各連四龕

祀典考五

東廡先賢

在殿下東旁西嚮

先賢公孫僑

字子產一字子美鄭人

國朝咸豐七

先賢林放

字子邱魯人唐開元二十七年從祀明嘉靖九年改祀於鄉國朝雍正二年復

先賢原憲

字子思檀弓作仲憲宋人鄭康成曰魯人唐開元二十年從祀

先賢南宮适

字子容史記作括家語作韜索隱引家語作紹謂即魯孟僖子之子仲孫閱也

俱謂南宮适與南宮敬叔為一人而鄭氏環駁正之

文廟

祀典考以鄭說為長今從之唐開元二十年從祀

先賢商瞿

字子木魯人唐開元二十年從祀

先賢漆雕開

家語字子若史記字子開蔡人鄭康成曰魯人唐開元二十七年從祀

先賢司馬耕

字子牛家語作司馬犁耕論語集註名犁宋人唐開元二十七年從祀

先賢梁鱣

字叔魚一作鯉字子魚齊人唐開元二十七年從祀



先賢冉孺

字子魯索隱引家語作孺字子魯今本家語亦作儒字子魚一作曾魯人唐開元二

十七年從祀

先賢伯虔

字子析索隱引家語作伯虔字子哲今本家語作伯虔字楷魯人唐開元二十七年

從祀

先賢冉季

字子產或作子達魯人唐開元二十七年從祀

先賢漆雕徒父

字子文闕里文獻考或作子有魯人唐開元二十七年從祀

先賢漆雕哆

字子欽家語哆作侈文翁圖作多魯人唐開元二十七年從祀

先賢公西赤

字子華魯人唐開元二十七年從祀

先賢任不齊

字子選楚人唐開元二十七年從祀

先賢公良孺

字子正索隱云鄭誼本作公襄儒家語作孺亦字子正一作子幼陳人唐開元

二十七年從祀

先賢公肩定

字子中宋高宗贊作子忠一作子中魯人或曰晉人唐開元二十七年從祀

先賢鄒單

字子家徐廣曰一云鄒單魯人唐開元二十七年從祀

先賢罕父黑

字子索索一作素家語作罕父黑字索魯人唐開元二十七年從祀

先賢榮旂

字子祺索隱引家語作榮新字子顏魯人唐開元二十七年從祀

先賢左人郢

字子行魯人唐開元二十七年從祀

先賢鄭國

字子徒索隱引家語云薛邾字徒今本家語作薛邾字子從魯人唐開元二十七年

從祀

先賢原亢

字子籍史記作原亢籍索隱引家語云名亢字子籍魯人唐開元二十七年從祀

先賢廉潔

字子庸衛人古史作齊人唐開元二十七年從祀

先賢叔仲會

字子期魯人鄭康成曰晉人唐開元二十七年從祀

先賢公西與如

字子上魯人一作齊人唐開元二十七年從祀

先賢邾異

字子欽索隱作邾異云家語作邾字子欽文翁圖作與邾蓋亦避漢諱改之魯人唐開元二十七年從祀

先賢陳亢

字子禽說文亢作伉陳人唐開元二十七年從祀

先賢琴張

字子開一字子張衛人唐開元二十七年從祀

先賢步叔乘

字子車齊人唐開元二十七年從祀

先賢秦非

字子之魯人王引之曰非與飛通之當爲止字之誤也唐開元二十七年從祀

先賢顏喦

字子潛魯人唐開元二十七年從祀

先賢顏何

字子冉魯人唐開元二十七年從祀明嘉靖九年罷祀國朝雍正二年復祀

先賢縣直 字子象魯人 國朝雍正二年從祀

先賢牧皮 國朝雍正二年從祀

先賢樂正克 趙岐注樂正姓熊氏鄭人 國朝雍正二年從祀

先賢萬章 齊人 國朝雍正二年從祀

先賢周敦頤 字茂叔宋道州人學者稱濂溪先生諡曰元朱道祐元年從祀 國朝康熙五

十三年改稱先賢

先賢程顥 字伯淳宋河南洛陽人文彥博題其墓曰明道先生諡曰純宋道祐元年從祀 國

朝康熙五十三年改稱先賢

先賢邵雍 字堯夫宋河南人諡康節宋咸淳三年從祀 國朝康熙五十三年改稱先賢

西廡先賢 在殿下西旁東嚮

先賢通瑗

字伯玉衛人唐開元二十七年從祀明嘉靖九年改祀於鄉國朝雍正二年復

先賢澹臺滅明

字子羽武城人唐開元二十七年從祀

先賢宓不齊

字子賤魯人唐開元二十七年從祀

先賢公冶長

字子長釋文引家語云字子張又引范

引范衛云字子芝鄭氏環曰周人諱名無名與字同者當從釋文文字子張或從索隱名萇魯人史記作齊人唐開元二十七年從祀

先賢公皙哀

字季次家語作公皙然今孔本作克毛本亦作哀字季沈哲或作析齊人一作

魯人唐開元二十七年從祀

先賢高柴

字子羔家語作季羔檀弓作子皋齊人鄭康成曰衛人檀弓疏鄭人唐開元二十七

年從祀

先賢樊須

字子遲索隱作字遲魯人鄭康成曰齊人唐開元二十七年從祀

先賢商澤

字子季一作子秀魯人唐開元二十七年從祀

先賢巫馬施

字子期史記作子旗一作子旂家語作巫馬期字子期陳人鄭康成曰魯人唐

開元二十七年從祀

先賢顏辛

字子柳魯人唐開元二十七年從祀

先賢曹卹

字子循蔡人唐開元二十七年從祀

先賢公孫龍

字子石衛人鄭康成曰楚人唐開元二十七年從祀

先賢秦商

字丕茲史記字子丕魯人唐開元二十七年從祀

先賢顏高

字子驕索隱引家語云名產今本家語作刻魯人唐開元二十七年從祀

先賢壤駟赤

字子徒王引之曰徒讀爲赭說文云赭赤土也古聲徒赭相近秦人唐開元二十七年從祀

十七年從祀

先賢石作蜀字子明鄭氏瓊曰蜀當作燭古本家語作石之蜀今本作石子蜀氏族略複姓篇有石作氏秦之成紀人唐開元二十七年從祀

先賢公夏首字子乘家語首作字魯人唐開元二十七年從祀

先賢后處字子里齊人唐開元二十七年從祀

先賢奚容蒧字子哲衛人孔本家語作魯人唐開元二十七年從祀

先賢顏祖字子襄今本家語祖作相魯人唐開元二十七年從祀

先賢句井疆字子疆家語字子界一字子野衛人唐開元二十七年從祀

先賢秦祖字子南秦人唐開元二十七年從祀

先賢縣成字子祺索隱云家語作子謀今本家語字子橫魯人唐開元二十七年從祀

先賢公祖句茲字子之家語作公祖茲王引之曰句與拘通說文曰拘止也之亦當爲止句訓爲止故字子止也魯人唐開元二十七年從祀

先賢燕伋

字子思家語作級魯人唐開元二十七年從祀

先賢樂欬

字子聲魯人唐開元二十七年從祀

先賢狄黑

字子皙衛人唐開元二十七年從祀

先賢孔忠

字子蔑今本家語作孔弗孔子兄孟皮之子唐開元二十七年從祀

先賢公西蒧

字子上家語字子尙魯人唐開元二十七年從祀

先賢顏之僕

字子叔魯人唐開元二十七年從祀

先賢施之常

字子恆今本家語字子常魯人唐開元二十七年從祀

先賢申枏

字子周史記作申黨字周釋文引史記作申棠家語作申績字子周孔本作申績索



隱云文翁圖有申枬申棠弟子考云禮殿圖作儻咸  
清臨安志云字子績魯人唐開元二十七年從祀  
先賢左邱明魯人爲魯太史朱子以爲楚左史倚相  
之後唐貞觀二十一年以爲經師從祀  
先賢秦冉字子開史記字開蔡人唐開元二十七年  
從祀明嘉靖九年從祀國朝雍正二年  
復

先賢公明儀魯南武城人國朝咸豐三年從祀

先賢公都子齊人孟子弟子國朝雍正二年從祀

先賢公孫丑齊人孟子弟子國朝雍正二年從祀

先賢張載字子厚宋鳳翔郿縣人諡曰明學者稱橫  
渠先生宋淳祐元年從祀國朝康熙五

十三年改稱先賢

先賢程頤字正叔宋河南洛陽人諡曰正世稱伊川  
先生宋高祐元年從祀國朝康熙五十

三年改稱先賢

東廡先儒 在殿下次東旁西嚮

先儒公羊高 齊人生周末子夏弟子受經於子夏唐貞觀二十一年從祀

先儒伏勝 濟南人秦博士龐鍾瑯曰按索隱引張華云名勝紀年云字子賤考伏生為宓子之

後云字子賤者蓋誤以宓子字為伏生字也唐貞觀二十一年從祀

先儒毛亨 河間人或曰魯人 國朝同治二年從祀

先儒孔安國 字子國孔子十一世孫唐貞觀二十一年從祀

先儒后蒼 字近君漢東海鄉人明嘉靖九年從祀

先儒許慎 字叔重東漢汝南召陵人 國朝光緒二年從祀

先儒鄭康成 東漢北海高密人唐貞觀二十一年從祀明嘉靖九年改祀於鄉 國朝雍正

二年復

先儒范甯

字武子晉南陽順陽人唐貞觀二十一年從祀明嘉靖九年改祀於鄉、國朝雍正

二年復

先賢陸贄

字敬輿唐蘇州嘉興人諡曰宣、國朝道光六年從祀

先賢范仲淹

字希文宋蘇州吳縣人諡文正、國朝康熙五十四年從祀

先儒歐陽修

字永叔宋廬陵人諡文忠明嘉靖九年從祀

先儒司馬光

字君實宋夏縣涑水鄉人封溫國公諡文正宋咸淳三年從祀

先儒謝良佐

字顯道宋壽春上蔡人、國朝道光二十九年從祀

先儒羅從彥

字仲素宋南劍羅源人學者稱豫章先生諡文質明萬厯四十一年從祀

先儒李綱

字伯紀宋邵武人諡忠定、國朝咸豐元年從祀

先儒張栻

字敬夫宋漢州綿竹人  
世號南軒先生諡曰宣宋景定二年從祀

先儒陸九淵

字子靜宋撫州金谿人  
學者稱象山先生明嘉靖九年從祀

先儒陳淳

字安卿宋漳州龍溪人  
門人稱北溪先生國朝雍正二年從祀

先儒真德秀

字景元後更為希元宋浦城人  
世稱西山先生諡文忠明正統二年從祀

先儒何基

字子恭宋婺州金華人  
諡文定國朝雍正二年從祀

先儒文天祥

字宋瑞又字履善自號文山  
宋吉州水人國朝道光二十三年從祀

先儒趙復

字仁甫元德安人學者稱江漢先生  
國朝雍正二年從祀

先儒金履祥

字吉父元婺州蘭溪人學者稱仁山先生  
諡文安國朝雍正二年從祀

先儒陳澧

字可大元都昌人學者稱雲莊先生  
又稱經歸先生國朝雍正二年從祀

先儒方孝儒

字希直一字希古明寧海人  
諡文正國朝同治二年從祀

先儒薛瑄

字德溫明山西河津人學者稱敬軒先生

先儒胡居仁

字叔心明江西餘干人人稱敬齋先生

先儒羅欽順

字允升號整庵明江西泰和人諡文莊

先儒呂柟

字仲木明陝西高陵人別號涇野學者稱

先儒劉宗周

字起東明浙江山陰人學者稱念臺先

介道光二年從祀

賜諡忠

先儒孫奇逢

字啟泰一字鍾元國朝直隸容城人

先儒張履祥

字考夫國朝浙江桐鄉人學者稱楊

先儒陸隴其

初名龍其後改今名字稼書國朝浙

特旨賜諡清獻

先儒張伯行

字孝先國朝河南儀封人諡清恪光緒四年從祀

西廡先儒

在殿下次西旁東嚮

先儒穀梁赤

釋文引七錄云名淑字元始顏師古曰名喜魯人受經於子夏與秦孝公同時

唐貞觀二十一年從祀

先儒高堂生

字伯漢魯人唐貞觀二十一年從祀

先儒董仲舒

漢廣川人元至順元年從祀

先儒劉德

漢景帝子封河間王諡曰獻國朝光緒三年從祀

先儒毛萇

漢趙人爲河間獻王博士世謂毛亨爲大毛公萇爲小毛公唐貞觀二十一年從祀

先儒杜子春

漢河南緱氏人唐貞觀二十一年從祀

先儒諸葛亮

字孔明東漢瑯琊陽都人諡忠武國朝雍正二年從祀

先儒王通

字仲淹隋河東龍門人門弟子私諡曰文

先儒韓愈

字退之唐鄆州南陽人諡曰文宋元豐七

先儒胡瑗

字翼之宋泰州海陵人諡文昭人稱安定

先儒韓琦

字稚圭宋相州安陽人諡曰獻國朝咸

先儒楊時

字中立宋南劍將樂人諡文靖學者稱龜

先儒游酢

字定夫宋建州建陽人國朝光緒十八

先儒尹焞

字彥明一字德充宋洛人賜號和靖處士

先儒胡安國

字康侯宋建甯崇安人諡文定明正統

先儒李侗

字愿中宋南劍劍浦人學者稱延平先生

先儒呂祖謙

字伯恭本居壽州遷婺州諡曰成學者

先儒袁燮

字和叔宋慶元府鄞縣人諡正獻學者稱

先儒黃榦

字直卿宋福州閩縣人諡文肅學者稱勉

先儒輔廣

字漢卿號清齋本河朔人南渡居秀州崇

祀

先儒蔡沈

字仲默宋建州建陽人元定季子諡文正

先儒魏了翁

字華父宋邛州蒲江人諡文靖國朝

先儒王柏

字會之號魯齋宋婺州金華人諡文憲

先儒陸秀夫

字君實宋楚州鹽城人國朝咸豐九

先儒許衡

字仲平元河南人諡文正皇慶二年從祀

先儒吳澄

字幼清元撫州崇仁人諡文正明正統八

年從祀嘉靖九年罷

國朝乾隆二年復



先儒許謙

字益之元金華人世稱白雲先生諱文懿國朝雍正二年從祀

先儒曹端

字正夫明河南渑池人學者稱月川先生私諡靜修國朝咸豐十年從祀

先儒陳獻章

字公甫明廣東新會人學者稱白沙先生諡謚初諡文恭萬曆十二年從祀

先儒蔡清

字介夫號虛齋明福建晉江人萬曆中追諡文莊國朝雍正二年從祀

先儒王守仁

字伯安明浙江餘姚人世稱陽明先生諡文成萬曆十二年從祀

先儒呂坤

字叔簡一字心吾明河南甯陵人國朝道光六年從祀

先儒黃道周

字幼平明福建漳浦人學者稱石齋先生國朝乾隆四十一年賜諡忠

端道光五年從祀

先儒陸世儀

字道威號桴亭國朝江蘇太倉州人光緒元年從祀

先儒湯斌

字孔伯一字潛庵國朝河南睢州人乾隆元年賜諡文正道光三年從祀

崇聖祠五王神位皆南向木主高一尺七寸廣四寸五分厚五分赤地金書正位五龕中獨座左右兩龕合座

祀典考五

四配神位木主高一尺四寸廣三寸五分厚五分赤地金書東西連二龕合座今增孟皮氏於顏氏之上

一龕獨座

同上

肇聖王木金父公正中

裕聖王祈父公左

詒聖王防父公右

昌聖王伯夏公左次

啟聖王叔梁公右次

東配 東位西嚮

先賢孔氏孟皮

先賢顏氏 名無繇史記字路家語字季路

先賢孔氏 名鯉字伯魚

西配 西位東嚮

先賢曾氏 名點字子皙史記作臧字皙

先賢孟孫氏 名激字公宜魯公族孟孫之後

兩廡從祀神位木主高一尺三寸六分廣三寸五分  
厚六分赤地墨書東連二龕一座 連二龕謂一龕中  
分爲二各一座也

獨龕一座西連二龕一座

祀典考五

東廡

祠外東旁西嚮

先儒周氏

名輔成周子敦頤之父

先儒程氏

名珦字伯溫二程子顥頤之父

先儒蔡氏

名元定字季通世稱西山先生謚文節蔡子沈之父

西廡

祠外西旁東嚮

先儒張氏

名迪張子載之父

先儒朱氏

名松字喬年號韋齋朱子爲之父元至正二十一年謚獻請

歲以春秋仲月上丁日釋奠

陳設

先師正位前制帛一色白設案一牛一羊一豕一豉一實  
以太羹鉶二實以和羹簋二實以黍稷簋二實以稻  
梁遷十實以形鹽藁魚棗栗榛菱芡鹿脯白餅黑餅  
豆十實以韭菹醯醢菁菹鹿醢芹菹兔醢笋菹魚醢  
脾析豚拍尊一爵三罍一鐙二

四配位前制帛各一色白各設案一陳羊一豕一鴈  
二簋二簠二寶並同上遵八寶同上無白餅黑餅豆  
八寶同上無脾析豚拍爵三罍一鐙二東西各尊一  
十二哲位前制帛各一色皆白東西各設六案鉶一  
實以和羹簋一實以黍簋一實以稷遷四寶以形鹽

棗栗藁魚豆四實以菁菹鹿醢芹菹兔醢爵三盃  
各羊一豕一尊一鑪一鐙二

兩廡二位共一案每案陳鉶簋各一遵豆各四實  
如哲位先賢案前東西各羊二豕二先儒案前東西  
各羊一豕一東西各尊三統設香案二每案制帛一  
爵三鑪一鐙二

崇聖祠正位五案各帛一羊一豕一鉶二簋各二遵  
豆各八實如配位爵三尊一鑪一鐙二

崇聖祠配位凡五案各帛一鉶一簋各一遵豆各四  
實如哲位東西各羊一豕一尊一鑪一鐙二

兩廡位前東二案西一案案設爵一盞盞各一遵豆  
各一東西各帛一羊一豕一尊一鑪一鐙二

以上俱會典事

例三百  
三十四

### 樂器

府州縣各學皆設麾一編鐘十六編磬十六琴六瑟  
四排簫二簫六笛六篪四笙六塤二建鼓一搏拊二  
祝一敔一節二羽三十六簫三十六奏昭平宣平秩  
平敘平懿平德平之章陳六佾之舞二月以來鐘爲

宮八月以南呂爲宮

會典三  
十四

### 樂章

迎神奏昭平一成

大哉孔子 先覺先知 與天地參 萬世之師

祥徵麟綬 韻答金縢 日月既揭 乾坤清夷

奠帛初獻奏宣平一成

予懷明德 玉振金聲 生民未有 展也大成

俎豆千古 春秋上下 清酒既載 其香始升

亞獻奏秩平一成

式禮莫愆 升堂再獻 饗協養備 誠孚疊獻

肅肅雍雍 譽髦斯彥 禮陶樂淑 相觀而善

終獻奏敘平一成



自古在昔 先民有作 皮弁祭菜 於倫思樂  
維天牖民 維聖時若 彝倫攸敘 至今木鐸  
徹饌奏懿平一成

先師有言 祭則受福 四海蠻貊 疇敢不肅  
禮成告徹 毋疏毋瀆 樂所自生 厥有茲  
送神奏德平一成

鳧繹戔戔 洙泗洋洋 景行行止 流澤無疆  
聿昭祀事 祀事孔明 化我蒸民 育我膠庠

四十  
七

儀注

祭之前一日承祭分獻官皆致齋執事官補服至儀  
牲所省牲前一日承祭官率僚屬朝服上香監視宰  
牲執事者舉祝案送致齋所承祭官視畢送至前後  
殿安設一跪三叩退祭日日出前六刻承祀等官更  
衣畢通贊贊啟戶樂舞生登歌執事者各執其事文  
舞六佾進承祭官就位分獻官就位陪祭官就位文東  
武西卷毛血司毛血生捧毛血從中啟牲饌蓋舉迎神  
樂奏昭平之章司香捧香盤贊引引承祭官升東階  
入殿左門詣

先師香案前司香跪進香贊跪承祭官行一叩禮興贊上

香承祭官上炷香次三上瓣香跪一叩興贊復位分  
獻官各詣四配十二哲兩廡先賢先儒位上香如儀  
皆復位通贊贊跪叩興承祭官行三跪九叩禮各官  
隨行禮興贊奠帛行初獻禮奏宣平之章舞羽籥之  
舞引贊引承祭官詣盥洗所浴水進巾司帛奉帛司  
爵奉爵進承祭官入殿左門詣

先師位前跪一叩興司帛跪奉篚承祭官受篚拱舉奠於  
案司爵跪奉爵承祭官受爵拱舉奠於正中  
亞獻奠  
左三獻  
奠跪一叩興復位分獻官各詣四配十二哲兩廡奠  
獻如儀各復位司祝至祝案前跪三叩奉祝版跪案

左樂暫止承祭官詣讀祝位跪眾官皆跪司祝讀祝

畢捧祝版詣正位跪安於案三叩退承祭官三叩興

各官同復位行亞獻禮奏秩平之章行終獻禮奏敘

平之章舞並同初獻承祭分獻並如初獻儀乃飲福受胙

承祭官詣飲受位前跪飲福酒受福胙執事生奉正

時跪奉承祭官拱舉畢歸之署三叩興復位眾官同跪叩興舞文德之舞退

乃徹饌奏懿平之章徹畢送神奏德平之章承祭及

眾官行三跪九叩禮執事者奉祝次帛次饌次香恭

送燎所各官避立西旁東面俟過復位引詣望燎位

望燎畢闔戶各退

崇聖祠同時致祭贊引引承祭官入祠左門分獻官隨

入承祭官盥洗畢引詣殿階下正中分獻官以次序

立於後均北面典儀贊執事官各共迺職以下自迎神至送神

皆典儀贊引官贊就位引承祭官就拜位立贊迎神

司香捧香盤進贊引官贊就上香位引承祭官升東

階由殿左門入詣

肇聖王香案前立司香跪奉香贊引官贊跪承祭官

跪一叩贊上香承祭官上炷香次三上瓣香一叩興

以次詣左右

正位前上香儀同贊復位引承祭官退至殿左門北

面揖出凡出馬門皆揖復位分獻官各詣配位兩廡從祀位

前上香如儀皆復位贊引官贊跪叩興以下行禮承皆有贊

祭官行三跪九叩禮分獻官均隨行禮奠帛行初獻

禮執事生各奉篚執爵進承祭官入殿左門詣

神位前跪一叩司帛跪奉篚承祭官受篚拱舉奠於

案司爵跪奉爵承祭官受爵拱舉奠於正中一叩興

以次奠獻畢司祝至祝案前三叩奉祝版跪案左承

祭官詣讀祝位跪司祝讀祝畢詣正中

神位前跪安於案三叩退承祭官行三叩禮畢仍由

殿左門出復位分獻官奠帛獻爵各如儀皆復位次

亞獻奠爵於左次終獻奠爵於右配位兩廡畢獻儀  
均與初獻同徹饌送神承祭官及分獻官均行三跪  
九叩禮執事生奉祝次帛次饌次香恭隨燎所承祭  
官避立西旁東面俟祝帛過復位引詣望燎位望燎  
引承祭官退按以上兩條據通義府志錄會典及祀  
典考俱載遣官釋奠儀注其文小異故  
此錄

祝文 祝版白紙黃緣墨書

維某年月日某官某致祭於

至聖先師孔子曰維

先師德隆千聖道冠百王揭日月以常行自生民所未有

屬

文教昌明之會正禮和樂節之時辟雍鐘鼓咸恪薦於馨

香泮水膠庠益致嚴於遵豆茲當

春秋

仲祗率彝章肅

展微忱聿將祀典以復聖顏子宗聖曾子述聖子思

子亞聖孟子配尙饗

祀典考五

維某年月日某官某致祭於

肇聖王

裕聖王

詒聖王

昌聖王



啟聖王曰維

王奕業鍾祥光開聖緒盛德之後積久彌昌凡聲教  
所覃敷率循源而溯本宜肅明禋之典用申守土之  
忱茲屆仲春秋聿修祀事配以先賢孟皮氏先賢顏氏  
先賢曾氏先賢孔氏先賢孟孫氏尙饗同上

規條

順治元年定每歲春秋仲月上丁日直省府州縣各  
行釋奠於

先師之禮以地方正印官主祭陳設禮儀均與國子監丁

祭同會典事例三百五十五

順治初年定直省府州縣建名宦鄉賢二祠於學宮  
內每歲春秋釋奠

先師同日以少牢祀名宦鄉賢皆地方官主祭行禮

同上

康熙二十五年議准直省武官協領副將以上遇

文廟祭祀並令陪祀行禮

同上

五十年題准我

朝樂章皆用平字因州縣未曾頒發仍襲前明錯用和  
字著直省各巡撫通行府州縣儒學皆改和字爲平

字以歸畫一

同上

雍正二年議准

大成殿四配十二哲每位一案兩廡二位共一案

崇聖祠四配異案兩廡二位共案其兩廡內有單位者

仍獨設一案

會典事例三百五十三

三年奏准將

文廟祭器樂器式樣刊刻頒行直隸各省畫一製造

會典

三百五十五

五年議准致祭

至聖先師孔子大典攸關今直省惟司道府州縣官於丁

日行禮其督撫學政則先期一日於階下行九叩禮

謂之祭丙典制所無且行禮前後儀期滌器視牲晉

因奠舉儀文隆備今但行九叩禮亦未允協嗣後省會之區每遇春秋二季於上丁日督撫學政率司道府州縣等官齊集致祭如學政考試各府卽於考試處

支廟內行禮至各府州縣守土正印官率領各屬員亦於上丁日行禮毋得簡率從事均照典制遵行

同上

十二年議准直省

文廟祭器樂器有未全備者該地方官詳明督撫照額設原數備齊如有損壞亦卽詳明修補府州縣官并教官離任時俱各查明交代如有損壞遺失之處或

教官已經詳報而該地方官不行修整責令該地方  
官賠修如教官未經詳報卽著教官賠修學政全書三  
乾隆元年議准凡

文廟祭器樂器有未製備者均動項成造仍於完竣時

報部覈銷

同上

六年議准學宮從祀先賢先儒神位次序以

京師太學成式通行直省府州縣遵照書題按東西先

後次序安設

會典事例三百五十五

八年

欽定

聖廟樂章頒發曲阜及天下學今樂舞生肄習虔肅將事

學政全

書三

九年議准直省文武大員及各屬正印官於朔望

文廟行香禮畢之後應親詣

崇聖祠行禮或有事不能親詣卽委令教官敬謹行禮

同上

十六年議准直省

文廟春秋丁祭准設禮生四名皆以生員充設

學政全  
書八十

三十七年議准

盛京學宮每歲春秋祭祀沿用民間鼓樂於

文廟定制有違令該府尹等將需用樂舞等器按照  
欽定皇朝禮器如式製造其額設樂舞生照

闕里之例酌選稍通音律者送太常寺肄業俟熟諳時

咨回本學令其轉相傳授

學政全書三

各省府州縣建

先師孔子廟每歲以春秋仲月上丁日釋奠省城以巡撫  
爲正獻有總督省分總督正獻兩序以布政使按察  
使及道員兩廡以知府同知爲分獻

崇聖祠以學政爲正獻府州縣無道員分駐者知府知  
州知縣正獻兩序以佐貳及所屬兩廡以廩生分獻

崇聖祠教諭正獻兩序訓導分獻兩廡廡生分獻

會典事例

二十九



吉林通志卷四十七

學校志四 學署 學額

學署

吉林府教授署在

文廟西明倫堂後

吉林外紀

雍正四年覆准增設奉天府永

吉州學正一員

會典事例二百九十四

光緒七年改升府教授

正室三楹東西廂各三楹明倫堂三楹尊經閣三楹

學冊

尊經閣嘉慶十四年將軍秀林捐建奉天學政茹棻

奏請頒

內板經籍於各學藏皮閣中

聖諭廣訓一部

欽定周易折中一部

御纂周易述義一部

欽定書經傳說彙纂一部

欽定詩經傳說彙纂一部

御纂詩義折中一部

欽定周官義疏一部

欽定儀禮義疏一部

欽定春秋傳說彙纂一部

欽定春秋直解一部

御註孝經一部

御纂孝經集註一部

十三經註疏各一部

御批資治通鑑綱目一部

御纂朱子全書一部

御纂性理精義一部

欽定康熙字典一部

欽定子史精華一部

欽定佩文韻府一部

御選古文淵鑑一部

御選唐宋文醇一部

御選唐宋詩醇一部

欽定四書文一部

御論一本 道光三年頒發

欽定學政全書 道光五年頒發

盛京通志二套 以上俱舊貯書籍

二十四史各一部

遼金元三史國語解一部

遼史拾遺一部

補元史藝文志一本

元史國語解一部

補元史氏族表一部

以上俱光緒十年  
巡道顧肇熙增貯

伊通州訓導光緒八年設學署未建

敦化縣訓導光緒八年設學署未建

長春府教授署在

文廟西偏同治十一年將軍宗室奕格奏設訓導初建

衙署光緒十五年改升教授明倫堂三楹內宅三楹

及前後翼室共十八楹

冊報

農安縣訓導光緒十六年設學署未建

伯都訥廳訓導署雍正四年覆准增設長甯縣教諭

一員同裁

會典事例二百九十四

同治十一年將軍宗室奕榕

奏設訓導新建衙署

冊報

賓州廳教諭署光緒八年設官十七年署同知趙宗

翰捐建

五常廳教諭光緒八年設學署未建

雙城廳訓導光緒八年設學署未建

學制

順治九年題准刊立卧碑置於明倫堂之左曉示生

員

朝廷建立學校選取生員免其丁糧厚以廩膳設學院  
學道學官以教之各衙門官以禮相待全取養成賢  
才以供

朝廷之用諸生皆當上報

國恩下立人品所有教條開列於後 一生員之家父  
母賢智者子當受教或有非爲者子旣讀書明理當  
再三懇告使父母不陷於危亡 一生員立志當學  
爲忠臣清官書史所載忠清事蹟務須互相講究凡  
利國愛民之事更宜留心 一生員居心忠厚正直  
讀書方有實用出仕必作良吏若心術邪刻讀書必

無成就爲官必取禍患行害人之事者往往自殺其身常宜思省 一生員不可干求官長交結勢要希圖進身若果心善德全上天知之必加以福 一生員當愛身忍性凡有司官衙門不可輕入卽有切己之事只許家人代告不許干與他人詞訟他人亦不許牽連生員作證 一爲學當尊敬先生若講說皆須誠心聽受如有未明從容再問毋妄行辨難爲師亦當盡心教訓勿致怠惰 一軍民一切利病不許生員上書陳言如有一言建白以違

制論黜革治罪 一生員不許結黨多人立盟結社把持



官府武斷鄉曲所作文字不許妄行刊刻違者聽提

調官治罪

會典事例  
三百十一

康熙二十九年議准學宮關係文教凡官民等經過  
者皆下車馬並禁於學宮內放馬污踐

學政全  
書三

康熙三十九年議准直省奉有

欽頒

上諭十六條每月朔望地方官宣讀講說化導百姓今士子  
亦應訓飭恭請

御製教條發直省學宮每月朔望令儒學教官傳集該學生  
員宣讀訓飭務令遵守如有不遵者責令教官并地

方官詐革從重治罪

會典事例  
三百十一

康熙四十一年

御製訓飭士子文頒行直省各學

國家建立學校原以興行教化作育人材典至渥也朕臨御以來隆重師儒加意庠序近復慎簡學使釐剔弊端務期風教修明賢才蔚起庶幾棧樸作人之意乃比年士習未端儒效罕著雖由內外臣工奉行未能盡善亦由爾諸生積痼已久猝難改易之故也茲特親製訓言再加警飭爾諸生其敬聽之從來學者先立品行次及文學學術事功原委有敘爾諸生幼聞庭訓長立官牕朝夕誦讀罔無

究心必也躬修實踐砥礪廉隅敦孝順以事親秉忠貞以  
立志窮經考業勿雜荒誕之談取友親師悉化驕盈之氣  
文章歸於醇雅毋事浮華軌度式於規繩最防蕩軼子矜  
佻達自昔所譏苟行止有虧雖讀書何益若夫宅心弗淑  
行已多愆或蜚語流言挾制官長或隱糧包訟出入公門  
或唆撥姦猾欺孤凌弱或招呼羽類結社要盟乃如之人  
名教不容鄉黨勿齒縱幸脫褫扑盜竊章縫返之於衷甯  
無愧乎况夫鄉會科名乃掄才大典關繫尤鉅士子果有  
真才實學何患困不逢時顧乃標榜虛名暗通聲氣夤緣  
詭遇周顧身家又或改竄鄉貫希圖進取鄴陵騰沸網利

營私種種弊端深可痛恨且夫士子出身之始尤貴以正  
若茲厥初拜獻便已作奸犯科則異時敗檢踰閑何所不  
至又安望其秉公持正爲國家宣猷樹績膺後先疏附之  
選哉朕用嘉惠爾等故不禁反復惓惓頒茲訓言爾等務  
其體朕心恪遵明訓一切痛加改省爭自濯磨積行勤學  
以圖上進國家三年登造束帛弓旌不特爾身有榮卽爾  
祖父亦增光寵矣逢時得志寧俟他求哉若仍視爲具文  
玩愒勿警毀方躍冶暴棄自甘則是爾等冥頑無知終不  
能率教也旣負栽培復干咎戾王章具在朕亦不能爲爾  
等寬矣自茲以往內而國學外而直省鄉校凡學臣師長

皆有司鐸之責者並宜傳集諸生多方董勸以副朕懷否  
則職業勿修咎亦難追勿謂朕言之不預也爾多士尙敬  
聽之

同上

雍正三年議准士子誦習必早聞正論俾德性堅定  
將

### 聖諭廣訓

御製朋黨論頒發各省學政刊刻刷印齎送各學令司鐸之

員朔望宣誦

同上

### 御製朋黨論

朕惟天尊地卑而君臣之分定爲人臣者義當惟知有君

惟知有君則其情固結不可解而能與君同好惡夫是之謂一德一心而上下交乃有心懷二三不能與君同好惡以至於上下之情睽而尊卑之分逆則皆朋黨之習爲之害也夫人君之好惡惟求其至公而已矣凡用舍進退孰不以其爲賢而進之以其爲不賢而退之惟或恐其所見之未盡當也故虛其心以博稽眾論然必眾論盡歸於至正而人君從之方合於大公若朋黨之徒挾偏私以惑主聽而人君或誤用之則是以至公之心反成其爲至私之事矣孟子論國君之進賢退不肖旣合左右諸大夫國人之論而必加察焉以親見其賢否之實洪範稽疑以謀及

乃心者求卿士庶民之從而皇極敷言必戒其好惡偏黨以歸於王道之蕩平正直若是乎人君之不自用而必欲盡化天下之偏私以成大同也人臣乃敢溺私心樹朋黨各徇其好惡以爲是非至使人君懲偏聽之生奸謂反不如獨見之公也朋黨之罪可勝誅乎我

聖祖仁皇帝御極六十年用人行政邁越千古帝王而大小臣僚未能盡矢公忠往往要朋結黨

聖祖戒飭再三未能盡改朕卽位以來屢加申飭而此風尙存彼不顧好惡之公而徇其私暱牢不可破上用一人則相與譏之曰是某所汲引者也於是乎遠之若浼曰吾避

嫌也不附勢也爭懷妒心交騰謗口以媒孽之必欲去之而後快上去一人則相與議之曰是某所中傷者也親暱者爲之惋惜疏遠者亦慰藉稱屈卽素有嫌隙者至此反致其殷勤欲借以釋憾而修好求一人責其改過自新者無有也於是乎其人亦不復自知其過惡而愈以滋其怨上之心是朝廷之賞罰黜陟不足爲重輕而轉以黨人之咨嗟歎息爲榮以黨人之指摘詆訾爲辱亂天下之公是公非作好惡以陰撓人主子奪之柄朋黨之爲害一至是哉且使人主之好惡而果有未公則何不面折廷爭而爲是陽奉陰違以遂其植黨營私之計也書曰予違汝弼汝



無面從退有後言當時君臣告語望其匡弼而以面從後  
言爲戒夫是故一堂之上都俞吁咈用能賡歌拜颺以成  
太和之運朕無日不延見羣臣造膝陳詞何事不可盡達  
顧乃默無獻替而狡猾叵測蓄私見以肆爲後言事君之  
義當如是乎古純臣之事君也必期致吾君於堯舜而人  
君亦當以堯舜自待其身豈惟當以堯舜待其身亦當以  
皋夔稷契待其臣孟子曰責難於君謂之恭陳善閉邪謂  
之敬吾君不能謂之賊夫以吾君不能而謂之賊則爲君  
者以吾臣不能亦當謂之忍語云取法乎上僅得乎中苟  
不以唐虞君臣相期待而區區效法僅在漢唐以下是烏

能廓然盡去其私心而悉合乎大公至正之則哉宋歐陽  
修朋黨論初爲異說曰君子以同道爲朋夫罔上行私安  
得謂道修之所謂道亦小人之道耳自有此論而小人之  
爲朋者皆得假同道之名以濟其同利之實朕以爲君子  
無朋惟小人則有之且如修之論將使終其黨者則爲君  
子解散而不終於黨者反爲小人乎設修在今日而爲此  
論朕必飭之以正其惑大抵文人掉弄筆舌但求騁其才  
每至害理傷道而不恤惟六經語孟及宋五子傳注可奉  
爲典要論語謂君子不黨在易渙之六四曰渙其羣元吉  
朱子謂上承九五下無應與爲能散其朋黨之象大善而

吉然則君子之必無朋黨而朋黨之必貴解散以求元吉  
聖人之垂訓亦既明且切矣夫朋友亦五倫之一朋黨不  
可有而朋友之道不可無然惟草茅伏處之時恆資其講  
習以相伙助今既登朝蒞官則君臣爲公義而朋友爲私  
情人臣當以公滅私豈得稍顧私情而違公義且卽以君  
親之並重而出身事主則以其身致之於君而尙不能爲  
父母有况朋友乎况可藉口於朋以怙其黨乎朕自四十  
五年來一切情僞無不洞矚今臨御之後思移風易俗躋  
斯世於熙皞之盛故兼聽並觀周諏博採以詳悉世務且  
熟察風俗之變易與否而無知小人輒議朕爲煩苛瑣細

有云人君不當親庶務者信若斯言則皋陶之陳謨何以云一日二日萬幾孔子之贊舜何以云好問好察此皆朋黨之錮習未去畏人君之英察而欲蒙蔽耳目以自便其好惡之私焉耳朕在藩邸時坦易光明不樹私恩小惠與滿漢臣工素無交與有欲往來門下者嚴加拒絕

聖祖見朕居心行事公正無私故令續承大統今之好爲朋黨者不過冀其攀援扶植緩急可恃而不知其無益也徒自逆天悖義以陷於誅絕之罪亦甚可憫矣朕願滿漢文武大小諸臣合爲一心共竭忠悃與君同其好惡之公恪遵大易論語之明訓而盡去其朋比黨援之積習庶肅然

有以懍尊卑之分歟然有以洽上下之情虞廷廣歌颺拜  
明良喜起之休風豈不再見於今日哉

同上

雍正七年議准令直省各督撫轉飭地方官將

### 欽定卧碑

御製訓飭士子文敬謹刊刻裝潢成帙奉藏各學尊經閣內  
遇督撫等到任及學臣到任接臨於祇謁

先師之日該教官率生員貢監等詣明倫堂行三跪九叩  
禮畢教官恭捧宣讀令其拱聽如有無故規避者行  
學戒飭其有居址遙遠者令其輪班入城恭聽宣讀  
至生員貢監內有唆訟抗糧緣事曾經戒飭者令其

階下跪聽以示懲戒儆該教官不實力奉行或借端

需索奉行不善者許該管上司題參議處

同上

又議准凡恭遇

萬壽聖節元旦冬至丁祭之期其優等生員並貢監等皆  
令分班陪列行禮居址稍遠者亦令輪班入城學習  
行禮如有高卧不赴參錯驕蹇者行學戒飭至遇督  
撫等官到任及學臣按試祇謁

文廟亦令一體遵行并飭令各教官實力奉行不得瞻

徇情面亦不得借端需索

同上

雍正十一年議准凡府州縣

文廟學宮有應行修理之處該地方官據實確估詳明  
督撫學政於學租銀內動支修理俟工竣日委員驗  
明責令該教官敬謹守護遇有殘缺卽會同地方官  
查驗詳明酌量修補地方官及教官遇有陞遷事故  
離任時將

文廟學宮照

社稷各壇例造入交盤項內接任官驗明並無傾圯出結接  
收如有損壞失修之處卽行揭報參處

學政全書三

乾隆五年

欽頒太學訓飭士子文

士爲四民之首而太學者教化所先四方於是觀型焉比  
者聚生徒而教育之董以師儒舉古人之成法規條亦旣  
詳備矣獨是科名聲利之習深入人心積重難返士子所  
爲汲汲皇皇者惟是之求而未嘗有志於聖賢之道不知  
國家以經義取士使多士由聖賢之言體聖賢之心正欲  
使之爲聖賢之徒而豈沾沾焉文藝之末哉朱子同安縣  
諭學者云學者爲己今之世父所以詔其子兄所以勉其  
弟師所以教其弟子弟子之所以學舍科舉之業則無爲  
也使古人之學止於如此則凡可以得志於科舉斯已爾  
所以孜孜焉愛日不倦以至於死而後已者果何爲而然



哉今之士惟不知此以爲苟足以應有司之求矣則無事於汲汲爲也是以至於情游而不知反終身不能有志於學而君子以爲非士之罪也使教素明於上而學素講於下則士子固將有以用其力而豈有不勉之患哉諸君苟能致思於科舉之外而知古人之所以爲學則將有欲罷不能者矣觀朱子此言洵古今通患夫爲己二字乃入聖之門知爲己則所讀之書一一有益於身心而日用事物之間存養省察闕然自修世俗之紛華靡麗無足動念何患詞章聲譽之能奪志哉况卽爲科舉亦無礙於聖賢之學朱子云非是科舉累人人累科舉若高見遠識之士讀

聖賢之書據吾所見爲文以應之得失置之度外雖日日應舉亦不累也居今之世雖孔子復生也不免應舉然豈能累孔子也朱子此言卽是科舉中爲己之學誠能爲己則四書五經皆聖賢之精蘊體而行之爲聖賢而有餘不能爲己則雖舉經義治事而督課之亦糟粕陳言無裨實用浮僞與時文等耳故學者莫先於辨志志於爲己者聖賢之徒也志於科名者世俗之陋也國家養育人才將用以致君澤民治國平天下而囿於積習不能奮然求至於聖賢豈不謬哉朕膺君師之位有厚望於諸生適讀朱子書見其言切中士習流弊故親切爲諸生言之俾司教者

知所以教而學者知所以學

會典事例三百十一

乾隆十年議准

欽頒訓飭士子文已勒石太學其各省尚未頒發應通行天

下學宮同

聖祖仁皇帝聖諭廣訓

世宗憲皇帝御製朋黨論令教官於朔望日一體宣講永遠

遵行

同上

學額

吉林滿字號

滿蒙入旗

嘉慶五年設童生每五六名取進

一名廩增額各一名十年一貢

吉林外紀六

同治初年西

安將軍多隆阿攻克回巢得銀充餉奏加學額五六

取一外定額三名六年捐輸案內滿號暫廣二次每

次額一名十一年添設廩增額各一名五年一貢

捐檔

合字號

漢軍入旗

嘉慶五年設童生每五六名取進一名

廩增額各一名十年一貢

外紀

同治六年捐輸案內五

六取一外加定額二名暫廣二次每次額一名十一

年添設廩增額各一名五年一貢

捐檔

吉林滿合二號應試文章均由各城該管協領衙門

考驗騎射分別滿洲蒙古漢軍旗色佐領造具各童

姓名籍貫清冊呈送將軍考驗

國語騎射發交戶司移送吉林府彙總考試

冊報

嘉慶四年議准各處駐防旗人因無就近考試之例以致蹉跎失學嗣後駐防省分凡遇歲科兩試如有情願赴考者准其就近考試俟取進後再聽其赴京鄉試其應如何查照人數多寡酌定學額一切章程

應交禮部酌覈辦理具奏

會典事例  
三百五

又奏准查在京八旗滿洲蒙古童生額進六十名覈計近年應試人數約在五六名內取進一名今各省駐防既准其就近考試入學應令各該學政按照人數計應試童生亦五六名取進一名如佳卷不敷甯

缺無溢如將來人數較多應按人數定額其應行設立廩增數目與出貢年分統俟歲科兩試之後各該學政按照應試人數多寡文風高下咨部再爲分別覈定至童生赴考例應廩生保結但現係初次考試尙未經設有廩生應由本佐領具結保送俟該處設有廩生仍照例令廩生保結將佐領保結之例停止其馬步箭應由本處駐防大臣等考試彙送地方官於府考童生時一併考試錄送學政取進

同上

十三年覆准吉林滿合二號自嘉慶五年科試起至本年歲試共錄取滿合旗童三十六名歲科三屆已

周例應酌覈廩增額數應酌設廩增各二名仍俟食  
餼十年後方准出貢同上

吉林府立學之始年遠無考童生額進四名廩增額  
各二名五年一貢會典事例二百九十八咸豐五年六年兩次

捐輸加廣定額二名同治六年捐輸又加定額二名  
並增設廩增額各二名捐

乾隆元年遵奉

恩詔議定奉天遼陽州等學原額七名五名者加二名四名

二名者加一名學政全書六十五

四十三年八月辛巳廣

盛京奉天各屬科試學額

東華續錄 案學政全書載  
取進四十五名者增額二名二

三名者增額一名乾隆  
四十八年歲試廣額同

六十年二月

加恩增廣各省學額

盛京等處取進六名以上者增額三名四五名者增額二名

二名二三名者增額一名

會典事例  
三百五

嘉慶元年

恩詔各直省入學額數大學加七名中學加五名小學加三

名

同上

四年



恩詔直隸各省童生入學額數大學著增七名中學五名小

學三名舉行一次不著爲例

同上

十年

詔加盛京滿合二號及奉天所屬各學學額

同上謹案額數與乾隆六十

同年

道光元年

恩加直省童生入學額數大學七名中學五名小學三名歲

科舉行一次不著爲例

據安徽通志遵義府志錄

咸豐元年

恩詔加廣學額吉林二名

學冊

五年捐輸案內廣額一名六年

廣額二名摺檔

同治元年

恩詔加廣學額吉林二名學冊六年因迭次捐輸廣八次學額

四名一次學額二名摺檔

光緒元年

恩詔加廣學額吉林二名學冊

謹案吉林向歸奉天管轄光緒以前伯都訥長春

二學並附吉林取進故歷次

恩廣之額俱繫於此滿合二號學冊無考

雍正十二年議准永吉州長甯縣皆隸奉天府學但

永吉去府八百餘里長甯更遠應於永吉州添設學  
正一員將永吉州從前撥入府學生員撥回州學就  
近考課長甯縣生員不過數名毋庸另設教職應歸  
永吉州帶管廩增額數應俟人文漸盛之日再議其  
永吉長甯兩學童生仍照原撥入府學之額數取進  
會典事例二百九十八

十三年議准奉天府永吉州學額設廩增各一名五  
年一貢准於設學之年起算同上

乾隆二年議准奉天長甯縣裁歸永吉州應將長甯  
縣原取進童生二名入於永吉州內共取進四名同上

十二年議准裁永吉州改爲吉林理事同知其文武  
童生卽歸理事同知管轄入學及廩增額數併出貢  
年分均照舊例同上

伊通州光緒七年始立學額童生取進二名十八年

設廩增額各二名五年一貢冊報

敦化縣光緒七年始立學額童生取進二名廩增額

未設冊報

長春府道光六年設學額三名附吉林廳考試同治  
七年因捐輸五次案內加廣定額三名十一年分設  
專學額如故廩增額各二名光緒十二年添設廩增

各二名五年一貢

冊報

咸豐五年捐輸廣額二名同治七年捐輸自戊辰歲

起廣十四次學額每次三名一次學額一名

摺檔

農安縣光緒十五年建治設學定額二名廩增額未

設

冊報

伯都訥廳雍正四年設學後裁學額二名併入永吉

州取進道光六年設學額二名二十二年加額三名

仍附吉林廳考試同治十一年分設專學額如故廩

增額各二名光緒十四年添設廩增各一名五年一

貢

冊報

咸豐五年捐輸廣額三名六年廣額四名同治七年

捐輸廣學額三次每次一名

捐

賓州廳

五常廳

雙城廳光緒七年建治設學額進二名廩增額未設

三廳同

冊報

貢額

拔貢生凡十二年一舉舊於吉林伯都訥長春三廳合拔一名光緒九年署將軍玉亮學政朱以增奏請增設各額尋議准滿合號各拔一名吉林府一名長

春府伯都訥廳合拔一名

冊報

玉亮朱以增奏言吉林爲我

朝發祥重地風俗純良士氣敦樸自吉林伯都訥長春  
三處分設學額以來同治九年創建考棚歲科按試  
已逾數屆近復整頓官學加增膏火考課書院按月  
舉行是以滿蒙合號子弟及民籍俊秀之士均能涵  
濡教化鼓舞奮興日趨於盛同治十一年前將軍宗  
室臣奕榕奉天學政臣張澐卿會奏仿照奉天昌圖  
岫巖各廳拔貢定額成案請設伯都訥長春兩廳各  
拔貢一額滿蒙各拔貢一額合號拔貢一額嗣經禮

部議覆吉林選拔試已逾期下次選拔尙在十二年以後應俟將屆選拔時由該將軍學政考察情形如果人文日盛再行奏請辦理等因在案現距前次陳請時又歷十餘年之久臣以增本年按試吉林檢閱滿蒙合號文生共三百餘名吉林府學共百名伯都訥長春二廳亦一百餘名且童生應試人數日多不獨舊有三學或二百餘名或三四百名卽新設之賓州五常雙城伊通敦化各廳州縣均係初次童試人數已數十百名不等校閱文藝尙斐然可觀臣等查看情形實係學校如林人文日盛並據各學教官轉



據滿合及民籍紳士呈請分設拔貢各額前來自應  
遵照前次部議仍請將吉林原定拔貢一額專歸吉  
林府學此外滿蒙各設拔貢一額以期仰副  
聖主儲材興學之至意如蒙

恩允飭部迅速覈覆卽於下屆乙酉科考選拔貢之年爲  
始云云部議准滿合號各拔一名吉林府學一名伯  
都訥長春二廳學各拔一名

又希元朱以增奏請仍准添設吉林滿蒙及伯都訥  
長春兩廳民籍各拔貢專額摺曰竊臣希元伏查奉  
天學額滿蒙亦係合併例定拔貢專額二名近年滿

蒙應試諸生較之從前所增不止十倍上年部議止  
准滿字號添設拔貢一名滿蒙併取似與奉天未歸  
一律且視合字號准設專額者亦覺向隅伯都訥長  
春兩廳學額既由合而分卽非新建之學可比雖每  
學廩增附生不及百名較之奉天昌圖岫巖立學未  
久准添拔額之時在學各生名數有加無減近年應  
歲試者亦無僅止十餘名之事上年部議只准合拔  
一名僅照四川等省初分之學合取未照奉天新建  
之學分設兩學生員似均向隅查奉吉兩省由合而  
分故吉林事宜均比照奉天辦理兩省同爲

國家根本重地似難與各直省偏隅小縣並衡惟拔萃  
爲

朝廷掄才鉅典若非人才蕃盛自應杜其冒濫之階今  
旣士類奮興亟宜廣其登庸之路當經咨商到臣以  
增於按臨科試時事畢會同卷查光緒九年十二月  
禮部咨開議覆前署將軍臣玉亮會同臣以增奏請

分設吉林滿蒙合及伯都訥長春兩廳拔貢專額一  
摺該省原定學額滿蒙同歸滿號取進所有蒙古選  
拔一項應毋庸另添伯都訥長春兩廳同治十一年  
各設專學兩廳文生合計雖百餘人光緒六年應歲

試者伯都訥三十四人長春僅十三人查四川新繁  
彭縣等分建縣治成案准兩廳合設拔貢一名等因  
具奏奉

旨依議欽此分行臣等遵照在案

臣

以增查學政全書內

載康熙三十六年題准選拔貢生滿蒙二名漢軍一  
名從前奉天學冊雖無可查而由歷次增添學額現  
有三百二十餘名計當時滿生在學諒不過百餘名  
又案查同治十年禮部咨行議奏一摺內開奉天各  
廳州縣凡設州縣地方均設拔貢定額一名檢查送  
部學冊開原復州各屬生員僅二十餘名鐵嶺金州

各屬生員僅十餘名今昌圖廳於同治七年設立學額岫巖廳於九年設立學額雖考試伊始人數未必眾多惟歸籍新進各生其人數諒與各廳州不甚懸殊所有二廳請照奉天各州縣例准設拔貢各一名等語又查吉林滿字號滿蒙在學文生一百二十餘名應歲試者五十四名伯都訥學文生五十餘名應歲試者二十一名長春學文生九十餘名應歲試者五十五名是吉林滿號請設滿蒙拔貢專額二名伯都訥長春二廳請設專額各一名實與奉天成例相符而各學應歲試人數較之從前奉天等屬准設拔

貢額時亦皆有贏無絀現既人文日盛自應廣其登進鼓舞多士向上之機合無額無

天恩俯准援照奉天成案添設滿蒙拔貢專額二名伯都訥長春拔貢專額各一名仍請以來年乙酉科爲始云云疏入仍照前議行

優貢生凡三年一舉吉林無專額奉天吉林黑龍江滿合號及各學通行考選其三名

府丞冊

武學

滿合二號每五六名取進一名同治初年西安將軍多隆阿奏加滿字號定額三名七年捐輸案內加合

字號定額二名吉林長春伯都訥舊共額四名咸豐  
五年九年兩次捐輸加定額四名同治十三年分設  
專學吉林三名長春三名伯都訥二名光緒七年改  
撥吉林府四名長春伯都訥各二名伊通敦化額各  
一名賓州五常雙城農安額各二名三年一考各處  
冊報  
同治七年五次捐輸滿合號各廣二次每次一名吉  
林廣額一百零四名分二十六次取進每次四名長  
春伯都訥各廣額二十四名每次取進一名摺  
稿  
繙譯生員

光緒九年將軍銘安玉亮奏准添設十五年將軍長

順副都統卓凌阿始舉行考試照例五六取一因通順者少取進三名十六年取進四名十八年取進五名三年兩考

戶司文移

銘安玉亮奏言吉林省城原設左右翼滿官學二所揀委教習專課十旗子弟清文迨咸豐初年征調頻仍存營官兵無幾清文國語漸至生疏同治八年間經前任將軍富明阿飭令教習常川在學督課十餘年來成效未覩

臣

等到任後留心體察當於光緒七

年三月間飭由分巡道顧肇熙署吉林府知府李金鏞掌戶司關防協領文全等會議章程增添膏火嚴



查功課復飭協領文全隨時查考去後茲據稟稱兩  
翼滿官學自整頓後凡就學肄業各旗子弟雖功課  
加密止能誦讀書寫欲求文理優長通曉繙譯之生  
徒實難其選若僅嚴定功課而不予以上進之階恐  
無以作其精神而動其鼓舞懇請設法調劑等情稟  
覆前來臣等查吉林繙譯廢弛係屬實在情形自應  
量加調劑以育人材恭閱上年九月邸抄

盛京將軍崇綺欽奉

上諭翰林院侍講學士尙賢奏奉天繙譯廢弛請仿照京  
旗及川廣駐防成式等因欽此該省將軍業經遵辦在

案竊維奉吉兩省皆爲我

朝發祥根本之區

國語清文廢弛情形事同一律合無仰懇

天恩俯准將吉林所屬各城滿蒙漢旗童士子援照奉天  
現辦成案准應繙譯考試由臣等通飭各城一體遵  
辦轉飭各該管官等查有願應繙譯童試者必須勤  
督功課縝密無閒庶期儲有真材以備錄取俟至光  
緒十二年歲考之期先由臣等查看能否開考取進  
時奏明辦理並請

飭下禮部將各省繙譯童試條例暨學習繙譯各項書籍

頒發到吉以便遵辦